



## Universitätsbibliothek Paderborn

### **D. Ioannis Ivsti Lanspergii Carthvsiani, Natione Bavari, Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

De septem verbis vltimis Domini Iesu in cruce, Hymnus XIV.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

*In crucifixione, contra Acediam.*

Aue Iesu conclauaris,  
Neruis ruptis laceraris,  
Fundens fontes gratiæ:  
Amor tui nos transfigat,  
Mundet, vrat, crucifigat,  
Vt amemus feruide.

*In cordis apertione, contra Inuidiam.*

Aue Iesu qui sacratum  
Cor das nobis referatum,  
Vndamq; cum sanguine:  
Hæc nos lauet, hic nos ornet,  
Dupla charitate dones  
Nescios inuidiæ, Amen.

*De septem verbis vltimæ Domini Iesu  
in cruce,*

Hymnus. XIV.

**A**VE Iesu dum mactaris,  
Pro tortoribus precaris,  
Ignoscens pijsime:  
Fac nos statim indulgere,  
Lædentibus condolere,  
Preces pro his fundere.

<sup>2</sup> Aue Iesu pœnitenti  
Latroni sero dolenti,  
Promisisti gloriam:  
Nobis da contritionem,  
Veram emendationem,  
Et in morte veniam.

<sup>3</sup> Aue Iesu in amore,  
Matrem tristem & dolore  
Nobis dabas maximo:  
Hæc vt filios nos querat,  
Ad te ducat, saluet, regat,  
In omni periculo.

<sup>4</sup> Aue Iesu qui afflictus  
Es, & vndiq; relictus,  
In pœnis grauissimis:  
Ne nos linquas vt cadamus,  
Fortes in te persistamus.  
Cunctis in angustijs.

<sup>5</sup> Aue Iesu siti arens,  
Viribus & contabescens,  
Gustas potum felleum:

Carnis blanda nos odire  
Da, iusticiam sitire,  
Amoremq; feruidum.

<sup>6</sup> Aue Iesu consummasti  
Cuncta, nobisq; donasti  
Tua sancta merita:  
Bona rite inchoemus,  
Et in finem consumemus  
Tua beneplacita.

<sup>7</sup> Aue Iesu agonizans,  
Patri spiritum commendans,  
Mortem fers durissimam:  
Tua mors nos totos mundet,  
Tuis meritis fortunet,  
Mortem det tutissimam, Amen:

*Ad quinq; vulnera Christi Iesu, de q; ipsius a-*  
*more inestimabili,*

Hymnus XV.

*Ad vulnus dextri pedis, pro Humilitate.*

**S**alue vulnus gratiosum,  
Christi madens sanguine:  
Mihi cor da lætuosum  
Meo pro peccamine,  
Simplex humile, & osum,  
Te quaerens purissime.

*Ad vulnus sinistri pedis, pro Castitate.*

Salue plaga peramœna,  
Nostra tu redemptio:  
Per te mihi detur plena  
Peccati remissio,  
Pauper, casta, mens serena,  
In te ardens vnico.

*Ad dextram, pro Obedientia.*

Salue rubens ex cruore  
Iesu plaga dexteræ:  
Me dolorem cum amore  
Tuum fac percipere:  
Tibi corde, factis, ore  
Subiectum promptissime.

*Ad lenam, pro Patientia.*

Salue leuæ vulnus Christi,  
Sanguineq; roseum:  
Fac in quouis casu tristi,

h h h

Mitem